

ՈՐՈՇՈՒՄ

Ճանապարհային ոստիկանության վարչական տույժ նշանակելու մասին 15.10.2018թ. թիվ 1808654595 որոշումն անփոփոխ, իսկ վարչական բողոքն առանց բավարարման թողնելու մասին

<<16>> 11 2018թ. 17-13-120604/17-13-11037

ք. Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե. Կարապետյան, վերանայելով Վիտալի Կոչուբանի դիմումի քննարկման արդյունքում ստեղծված նյութերը

ՊԱՐԶԵՑԻ

Երևան քաղաքի Բսակովի փողոց 50/3 շենքի 1 բնակարանի բնակիչ Վիտալի Կոչուբանը դիմումով խնդրել է վերանայել վարչական տույժ նշանակելու մասին 15.10.2018թ. թիվ 1808654595 որոշումը՝ նշելով, որ այն կայացվել է օրենքով սահմանված ժամկետի խախտմամբ:

Դիմումի քննարկման արդյունքում պարզվել է, որ դիմումատուի փաստարկը չի կարող վարչական ակտը վերանայելու հիմք հանդիսանալ հետևյալ պատճառաբանությամբ.

<<Տեսանկարահանող կամ լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 7-րդ հոդվածի 5-րդ մասի համաձայն՝ վարչական իրավախախտումների վերաբերյալ Հայաստանի Հանրապետության օրենսգրքի 32-րդ հոդվածի 3-րդ մասով նախատեսված խախտումն այլ անձի կողմից կատարված լինելու փաստը կարող է ապացուցվել օրենքով սահմանված ժամկետում և կարգով գանգատ (բողոք կամ հայցադիմում) ներկայացնելու միջոցով: Ըստ նույն հոդվածի 7-րդ մասի՝ սույն հոդվածի 5-րդ մասով նախատեսված գանգատ (բողոք կամ հայցադիմում) ներկայացվելու կամ տրանսպորտային միջոցն այլ անձի կողմից վարելու փաստը որևէ այլ կերպ հաստատվելու դեպքերում Վարչական իրավախախտումների վերաբերյալ Հայաստանի Հանրապետության օրենսգրքի 37-րդ հոդվածի 1-ին մասով սահմանված ժամկետը հաշվարկվում է համապատասխանաբար տրանսպորտային միջոցն այլ անձի կողմից վարելու փաստը վարչական, դատական կամ որևէ այլ կերպ հաստատվելու կամ հարցման պատասխանը ստանալու օրվանից:

Վարչական վարույթի ընթացքում պարզվել է, որ քաղաքացի Ալեքսանդր Կոչուբանը 28.09.2018թ. թիվ 107687-18 դիմումով հայտնել է, որ իրեն պատկանող MAZDA մակնիշի 35 PN 617 հաշվառման համարանիշի ավտոմոբիլին լիազորագրի հիման վրա տիրապետում է իր եղբայրը՝ Վիտալի Կոչուբանը, ինչի համաձայն էլ վարչական մարմնի կողմից 15.10.2018թ. կայացվել է վարչական տույժ նշանակելու մասին թիվ 1808654595 որոշումը, այսինքն՝ վերը նշված օրենքով սահմանված կարգով և ժամկետում, հետևաբար այն իրավաչափ է և օրինական:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

ՈՐՈՇԵՑԻ

1. Ճանապարհային ոստիկանության վարչական տույժ նշանակելու մասին 15.10.2018թ. թիվ 1808654595 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Վիտալի Կոչուբանին:

